

Xcarta San Pablo Huantu

Tzoknilh Filemón

San Pablo tzóknihl uemá actzu carta chatum xcanajlani Cristo huanti xuanicán Filemón. Umá cristiano xkalhiy chatum xtasacua xuanicán Onésimo huanti xtamahuanit cumu la xtatlahuay lhuhua cristianos amá makán quilhtamacú, y xlá xmascujuy cumu la xtachín umá tasacua. Acxní Onésimo sítzilh y niaj patipútulh lata xmascujucán cumu la takalhín, xtza-latáxtulh nac xchic xpuchiná. Antá alh latamay nac amá lanca xacachiquín Roma antanícu xtanuma San Pablo nac pulachin. Cumu xtalalakapasa xan Onésimo lakapaxialhnán nac pulachin y San Pablo tzúcuhl límakalh-chuhuiñiy xlacata pi calipáhua Quimpuchinacán Jesús. Onésimo ni xmán lipáhua sino que hasta tzúcuhl maktayay San Pablo lata xxliscujma xtachu-huín Dios.

Pero Onésimo juerza xlitaspítit xuanit nac xlacatín Filemón huanti xpu-chiná porque huá xtamahuanit, huá xpalacata San Pablo litzokniy umá carta antanícu huaniy pi catláhuall lanca litlán camakamaklhtinampá Onésimo, pero huaniy pi niaj chuná calipúlhcalh cumu la chatum xtasacua huanti xmán huá mapeksiy cumu xtamahuanit, huata calimáxtulh cumu la xtalá huanti luu xlicana paxquiy caj xpalacata cumu na aya lipahuán Cristo.

¹Aquit Pablo huanti quiltamac-nucanit nac pulachin caj xpalacata cumu cliscujma y clipahuán Quimpuchinacán Cristo Jesús, luu caña lipaxíhu ctzoknimán eé quincarta, aquit xahua quintalacán Timoteo, y ccamacaniamachán huix Filemón huanti luu cpaxquiyán porque na acxtum quilatascujmanáhu. ²Na luu lipaxíhu ccaxakatlijlacamachá tamakolh cristianos huanti talipahuán Cristo y antá tatamacxtumi y nac míñchic, chuná cumu la quinta-

lacán puscat huanicán Apia xahua Arquipo, umakolh natalán xlicana pi ankalhiná quincamaktayanitán.
³Clacasquín pi Quintlaticán Dios xahua Quimpuchinacán Jesucristo ankalhiná cacasiculanatlahuán y cacamaxquín huantu tlan latamat.

**Pablo lichuhuiñán lácu
kalhiy tacanájlat Filemón**

⁴Aquit ankalhiná cpaxcat-catziniy Quintlaticán Dios caj mimpalacata nac quioración

acxní ckalhtahuakaníy, ⁵ porque aya quilítachuhuinancanít lata lácu akstítum lipáhuana Quimpuchinacán Jesúz y calakalhamana latachá tícuya cristiano y huantí talipahuán y tatapeksíniy Dios. ⁶ Y cumu huix ná huá lipáhuana tamá Dios huantí ná aquit clipáhuán, xlíankalhíná aquit clímaakatzankeý xlacata pi camaxquín lískalala laqui huix naakataksa xanícu mā lacuán xtascújut huantú xtluahuaputún nac quilatamátcán huantí lipáhuanáhu Cristo Jesúz. ⁷ Koxutá huix Filemón, xlicana luu clakalhamanán, caj lata quincalítachuhuinancanítán lácu huix calakalhamana cristianos, xlíhuák natalán huantí uú tahuilá-nalh takalhínjut lanca tapaxuhuán y lícamama nac xnacucján y aquit ná ckalhiy tapaxuhuán caj xpalcata lácu akstítum lápat.

Pablo makchuhuinán Onésimo

⁸ Masqui xlicana pi aquit xapóstol Cristo y ckalhiy límapeksín nacuaniyán huantú huix militlá-huat, ⁹ pero aquit nichuná ctluama, huata camán huaniyán para xlicana quimpaxquiya chuná cumu lā aquit cpaxquiyán líhuaná calacapástacti pi aquit Pablo aya ckoluníttá y ctanuma nac pulachín caj xpalcata cumu clipáhuán Cristo Jesúz. ¹⁰ Csquiníyán aktum lanca lítlán caj xpalcata Onésimo mintasacua pero xtzalanít porque clacasquín nacatziya pi chí lítaxtunít cumu lā quinkahuasa porque líkálhílh sásti xlatámat caj quimpalacata acxní clímaakalhchu-huínlh Cristo uú nac pulachín, pero chí cmalakachanímán y clímaaka-tzankeyán pi calakalhámanti.

¹¹ Masqui xlicana pi minít quilhtamacú tamá Onésimo caj xtamahuanita y mintasacua xuanít porque ní xlakatiy xta-scújut, pero lanchú luu sculujuá y tlán naquincalímacuaniyán lā huix cumu lā aquit. ¹² Huá xpála-cata aquit clímalakachanímachán; lipaxúhu camakamaklhtinampi y calipulhca cumu lámpara aquit cchanchá. ¹³ Aquit ctilacpúhua pi catamaktekkelh laqui naquimaktayay huantú milacata lihuán ctanuma nac pulachín caj xpa-lacata xtachuhuín Cristo. ¹⁴ Pero niitu ctluahuaputún huantú huix ní catziya, chicá para xamaktum ní namatlántiya, xáhuachí laqui ní nalacpuhuana para luu juerza clacasquín naquimaktayaya porque chuná lakchán, huata clacasquín para xlicana quimaktayaputuna man calacapástacti y ya tapaxuhuán caquimaktaya. ¹⁵ Clacpuhuán pi Dios lacásquilh caakxekmákalh masqui ní luu makás quilhtamacú laqui acalistán tlán namaka-maklhtinana cumu huantí ná xlicana lipáhuán Cristo y lipaxúhu natalatapaya canécxnicahuá quilhtamacú nac milakstipán. ¹⁶ Pero Onésimo niaj calímaxtu cumu lā chátum tasacua huantí tamahua-nita, huata mininiyán capaxqui cumu lā mintalá. Xlicana pi aquit cpaxquiy, pero atzinú huix mininiyán napaxquiya, ní xlacata cumu para huix scujnimán sino porque ná huá lipáhuán Quimpuchinacán.

¹⁷ Filemón, para xlicana quimpaxquiya cumu lā mintala pus lipaxúhu camakamaklhtinampi Onésimo, y cacatzi cumu lám-

para aquit chanchá. ¹⁸Para túcu limakalipuhuán o para tlak laka-huilanín pus aquit caquimataji. ¹⁹Aquit Pablo mān quimacán camacán camán litzokniyán eé tachuhuín y cuaniyán: iXlihuák huantú xlakahuilanín aquit nac-xokoniyán! Pero mininiyán luu lihuana calacapástacti, étícu luu pulh límäkalchuhuinín amá xta-chuhuín Cristo laquí nakalhiya laktáxtut? Xlicana quitaxtuy pí ná huintú quilakahuihani. ²⁰Xahuachí aquit climaxtuyán cumu la quintalá porque ccatziy pí lipahuana Cristo, ná ccatziy pí paxquinana y pímpat quintlahuaniya umá lanca lítlán huantú aquit clímaqatzankemán, pus chuná lən nalimakapaxhuaya quinacú.

²¹Huá xpälacata juerza cli-tzokniyán porque aquit ccatziy pí huák naquinkalhakaxpata huantú naclímapeksiyán, y cca-

tziy pí hasta lhuhua átzinú pímpat tlahuaya huantú aquit csquinimáñ. ²²Nachunalítum clímaqatzan-keyán pí caquincäxtlahuanipi antanícu nactamakxteka, porque cumu huixinín chuná líkalh-tahuakaniyátit Dios, pus aya clachcahuilinít pí ní makás quilhtamacú nacanachán calakapaxialhnánán.

Pablo əhuatá xakatlilacán Filemón

²³Luu cäna lipaxúhu caxakatlila-camachán quintalacán Epafras, huá umá quintalacán lacxtum quinta-tanuma nac pulachin caj xpälacata Cristo Jesús. ²⁴Nachuná caxakat-lilacamachán Marcos, Aristarco, Demas xahua Lucas, huatunín umäkolh tí quintamaktayamánalh nac quintascújut.

²⁵Clacasquín pí huá Quimpuchinacán Jesucristo cacasi-culanatlahuán xlihuák huixinín.